



# ՄԱՍԼՈ ՀԱՂՈՐԴԱԳՐՈՒԹՅՈՒՆ

11 հոկտեմբերի, 2016 թ.

ք. Երևան

## «Բարձրաստիճան պաշտոնատար անձանց գույքի, եկամուտների և փոխկապակցված անձանց հայտարարագրման համակարգի թափանցիկության բարելավման խնդիրներն ու իրականացվող բարեփոխումները» հակակոռուպցիոն միջոցառման

Իրավաբանների հայկական ասոցիացիան, Հայաստանի ՔՀԿ-ների հակակոռուպցիոն կոալիցիայի և Ինֆորմացիայի ազատության կենտրոնի հետ համատեղ, 2016 թ. հոկտեմբերի 12-ին կազմակերպում է հակակոռուպցիոն միջոցառում՝ «Բարձրաստիճան պաշտոնատար անձանց գույքի, եկամուտների և փոխկապակցված անձանց հայտարարագրման համակարգի թափանցիկության բարելավման խնդիրներն ու իրականացվող բարեփոխումները» (ք. Վանաձոր): Միջոցառման նպատակը նշված ոլորտում առկա կոռուպցիոն խնդիրների վերահսումն է և համապատասխան լուծումների նախանշումը:

Միջոցառումը կազմակերպվում է ԵՄ ֆինանսավորմամբ և ԵԱՀԿ համաֆինանսավորմամբ իրականացվող «Կոռուպցիայի դեմ պայքարի բազմակողմանի խթանում» ծրագրի շրջանակներում: Միջոցառմանը մասնակցելու են Բարձրաստիճան պաշտոնատար անձանց էթիկայի հանձնաժողովի, քաղաքացիական հասարակության կազմակերպությունների, լրատվամիջոցների, Իրավաբանների հայկական ասոցիացիայի ներկայացուցիչները, այդ թվում վերոնշյալ ծրագրի փորձագետները:

Միջոցառմանը ողջույնի խոսքով հանդես կգան Բարձրաստիճան պաշտոնատար անձանց էթիկայի հանձնաժողովի նախագահի տեղակալ Արմեն Խուդավերդյանը և Իրավաբանների հայկական ասոցիացիայի նախագահ, Հայաստանի ՔՀԿ-ների հակակոռուպցիոն կոալիցիայի քարտուղարության համակարգող Կարեն Զաղոյանը: Ողջույնի խոսքերին հաջորդելու են զեկույցներ Բարձրաստիճան պաշտոնատար անձանց գույքի և եկամուտների հայտարարագրման ոլորտում առկա խնդիրների և իրականացվող բարեփոխումների, հայտարարագրման գործող համակարգի, հայտարարագրերի էլեկտրոնային համակարգի կատարելագործման ինչպես նաև հայտարարագրման ինստիտուտի թափանցիկության ապահովման գործում ՔՀԿ-ների հետ համագործակցության կարևորությունն ու ՉԼՄ-ների դերը:

Միջոցառման արդյունքում հավաքագրված առաջարկությունները քննարկման համար կուղարկվեն ՀՀ կառավարություն և Բարձրաստիճան պաշտոնատար անձանց էթիկայի հանձնաժողովին, ինչը կնպաստի այս ոլորտում արդյունավետ բարեփոխումների իրականացմանը:

**«Կոռուպցիայի դեմ պայքարի բազմակողմանի խթանում»** ծրագրի հիմնական նպատակն է մեծացնել ՔՀԿ-ների դերը հակակոռուպցիոն բարեփոխումների խթանման և իրականացման գործում: Ծրագրի շրջանակներում հզորացվել են ՔՀԿ-ների և ՉԼՄ-ների մոնիթորինգի և վերահսկողության կարողությունները, որի նպատակով ՀՀ մարզերում 105 ՔՀԿ-ների և ՉԼՄ-ների համար կազմակերպվել են հակակոռուպցիոն դասընթացներ՝ կոռուպցիոն բնույթի և տեղեկատվության ազատության խնդիրներն առավել լավ ըմբռնելու համար: Հանրային վերահսկողության արդյունավետության բարձրացման և համապատասխան մոնիթորինգային, վերահսկողական և հետաքննական ծրագրերի իրականացման նպատակով տրամադրվել են փոքր ենթադրամաշնորհներ 20 ՔՀԿ-ների և ՉԼՄ-ների: Ծրագրի շրջանակներում 2014 թ. ստեղծվել է Հայաստանի ՔՀԿ-ների հակակոռուպցիոն կոալիցիան՝ այժմ բաղկացած ավելի քան 80 ՔՀԿ-ներից: Այն առանցքային դեր է խաղում ծրագրի շրջանակներում մշակված ՔՀԿ-կառավարության կայուն երկխոսության մեջ: Վերջինիս շրջանակներում նշանակալից է Կառավարության և վերոնշյալ կոալիցիայի համատեղ աշխատանքը՝ ապօրինի հարստացման քրեականացման և անկախ ինստիտուցիոնալ հակակոռուպցիոն մարմնի ստեղծման շուրջ:

Ծրագիրն իրականացվում է Եվրոպական միության ֆինանսավորմամբ և ԵԱՀԿ երևանյան գրասենյակի համաֆինանսավորմամբ՝ «Իրավաբանների հայկական ասոցիացիա» ՀԿ-ի կողմից (իրականացնող)՝ «Ինֆորմացիայի ազատության կենտրոն» ՀԿ-ի հետ համագործակցությամբ (գործընկեր): Ծրագրի տևողությունը 3 տարի է (2014 թվականի հունվարից 2016 թվականի դեկտեմբեր): Ծրագրի բյուջեն կազմում է 650 000 եվրո, որից ԵՄ ներդրումը կազմել է 585 000 եվրո, ԵԱՀԿ երևանյան գրասենյակի ներդրումը՝ 31 117 եվրո:

**Իրավաբանների հայկական ասոցիացիան (ԻՀԱ)** ստեղծվել է 1995թ.-ին: ԻՀԱ-ի առաքելությունն է նպաստել Հայաստանում իրավունքի գերակայության, ժողովրդավարության և քաղաքացիական հասարակության կայացմանը, որտեղ բնակչությունը իրագրել է, իսկ նրա իրավունքները՝ պաշտպանված: Մինչև 2016 թ. փետրվար ամիսը ԻՀԱ-ի անվանումն էր Հայաստանի երիտասարդ իրավաբանների ասոցիացիա:

**Ինֆորմացիայի ազատության կենտրոնը (ԻԱԿ)** գործում է ավելի քան 10 տարի: ԻԱԿ-ի առաքելությունն է նպաստել տեղեկատվության ազատության մասին օրենսդրության կիրառմանը, ՀՀ կառավարման համակարգի թափանցիկությանն ու հրապարակայնությանը և այդ համակարգում քաղաքացիական հասարակության մասնակցության ապահովմանը:

Լրացուցիչ տեղեկությունների համար կարող եք դիմել Ծրագրի հանրային կայքերի համակարգող Նարինե Կարապետյանին աշխատանքային օրերին՝ ժամը 9.00-18.00; հեռ.՝ 540199; ֆաքս՝ 580299; URL՝ <http://www.armla.am>: Կատարող՝ Նարինե Կարապետյան, էլ. փոստ՝ [info@armla.am](mailto:info@armla.am):



Ծրագիրը ֆինանսավորվում է Եվրոպական միության կողմից:

Հայաստանում Եվրոպական միության պատվիրակություն Հեռախոս՝ +37410 54 64 94 Հեռապատճեն՝ +37410 54 64 95

Վերահանձնաժողովը ԵՄ գործադիր մարմնին է: Եվրամիությունն ունի 28 անդամ երկիր, որոնք որոշել են աստիճանաբար կապակցել իրենց նուր-հատու, ռեսուրսներն ու ուղիները: 50 տարվա ընդարձակման ժամանակահատվածում նրանք միասին ստեղծել են կայունության, ժողովրդավարության ու կայուն զարգացման տարածք՝ պահպանելով մշակութային զանազանությունը, հանդուրժողակախությունը և յուրաքանչյուրի անկախությունը: Եվրամիությունը հանձնառու է կիսել իր ձեռքբերումներն ու արժեքները իր սահմաններից այն կողմ գտնվող երկրների ու ժողովուրդների հետ:



Եվրոպայում անվտանգության և համագործակցության կազմակերպություն Երևանյան գրասենյակ

Ծրագիրը համաֆինանսավորվում է ԵԱՀԿ երևանյան գրասենյակի կողմից Հեռախոս՝ +374 10 229610 Հեռապատճեն՝ +374 10 229615

ԵԱՀԿ երևանյան գրասենյակը գործում է 1999թ.-ից, որի առաքելությունն է աջակցել Հայաստանին զարգացնելու իր ժողովրդավարական հաստատությունները և ամրապնդելու քաղաքացիական հասարակությունը՝ գործելով օրենսդրական բարեփոխումների, կոռուպցիայի և թրաֆիքինգի դեմ պայքարի, բնապահպանական, մարդու իրավունքների իրազեկման բարձրացման, լրատվամիջոցների ազատության և այլ ոլորտներում:



Իրավաբանների հայկական ասոցիացիա Հասցե՝ Նալբանդյան 7, բն. 2 Երևան, Հայաստան, 0010

Հեռախոս՝ +37410 54 01 99 Հեռապատճեն՝ +37410 58 02 99



Ինֆորմացիայի ազատության կենտրոն Հասցե՝ Բուզանդի 1/3 Երևան, Հայաստան, 0010

Հեռախոս՝ +37410 56 03 60 Հեռապատճեն՝ +37410 56 03 60